

【经文信息】大正藏第 20 册 No. 1104

佛说圣多罗菩萨经 1 卷

No. 1104

佛说圣多罗菩萨经

西天译经三藏朝散大夫试光禄卿明教大师臣法贤奉 诏译

如是我闻。一时佛在香醉山五髻干闥婆王宫。彼有种种鼓乐弦歌出微妙音。

尔时世尊处大殿中。与诸菩萨摩訶萨众俱。复有诸大圣众皆来集会。所谓有学无学诸声闻众。并无量无边天龙夜叉干闥婆阿修罗迦楼罗紧那罗摩睺罗伽人非人等。复有无量无边成就持明持金刚者。金刚手及忿怒王持明王百千等众。复有具种种持明宝髻佛顶轮王等众。复有宿曜并母鬼母鬼主。及诸释梵自在天那罗延天庆自在天大黑天神童子天夜摩天水天风天四天王天并五通仙人等。俱来在会作广大供养。围绕承事合掌恭敬。

尔时世尊处于众会。譬如须弥显于大海。是时五髻干闥婆王。与七十二百千干闥婆女。作种种妓乐来诣佛所。到已头面礼足。绕佛三匝却住一面。合掌向佛而作是言世尊我今愿闻利益之事。唯愿世尊为我宣说。彼圣多罗菩萨。即是诸佛如来之慈心。是大明王降魔最胜。是大持明是大轮王。广显甚深具大势力。唯愿世尊悲愍于我及天人阿修罗等。常得利益获安乐故。宣说圣多罗菩萨一百八名。尔时世尊受五髻干闥婆王请已。赞言善哉善哉干闥婆王。汝能问于如来如是之义。令诸天人一切众会。得大利益获安乐故。汝当谛听善思念之。我今为汝次第宣说。时彼干闥婆王闻佛语已受教而听。

尔时世尊为彼干闥婆王及一切众会。先说圣多罗菩萨陀罗尼曰。

那莫三满多那哩始(二合)毘药(二合一)萨哩嚩(二合)怛他(引)譏帝(引)毘踰(二合引二)阿啰曷(二合)讷毘药(三合三)三藐三没提(引)毘药(二合四)那谟(引)婆譏嚩带曳(二合引五)阿哩也(二合)多啰曳(引六)唵(引)萨哩嚩(二合)怛他(引)譏多(引七)怛他多

部(引)多酤(引)致(八)波哩戍提没提(引)萨哩嚩(二合)怛他(引)誡多(九)萨哩嚩(二合)达哩摩(二合)多(引十)誡誡那阿末罗尾戍驮(引)达哩摩(二合)帝(引十一)摩贺(引)那野波哩嚩(引)哩莎贺(引十二)

尔时世尊说此陀罗尼已。复为干闥婆王及一切众会。宣说多罗菩萨一百八名。而说颂曰。

是多罗菩萨	本从阿字生
或生诸行相	不生亦不灭
是相如虚空	虚空性生故
随应现本相	相一多无碍
色相现无边	善寂体纯一
常现幻化相	密语真实语
摄大真实理	真实行常行
施于无所畏	寂静常除患
离诸怖畏苦	善破烦恼笼
能解三有缚	苦海悉永离
成就法能为	自他俱成就
唯施最上法	总持自在王
亦从总持生	施总持大义
相应大自在	心意具相应
不即相应相	相应相不离
定意常不动	有动皆寂然
常处莲华座	亦从莲华生
目净如青莲	常为众生目
清净最殊妙	慈眼视众生
佛慧眼无漏	具纯一大悲
常发大悲心	常行大悲行
亦从大悲生	常具大悲心
难伏垂悲愍	以悲普遍降
所有苦恼者	除苦令欢喜
法施甘露味	济苦获安乐
苦海意清凉	是名自在母
普世为照耀	妙容炽盛光
众宝珠髻冠	清净光圆满

摩尼真珠饰
螺文相右旋
不善者令善
无喻庄严身
寂静常安乐
六念具六通
善说四谛法
幻化苦海中
持剑破烦恼
钵致仗及枪
没誡啰金刚
观视所持箭
手掷金刚杵
能伏外敌军
具大智慧力
诸闇烦恼销
如日销昏冥
善度轮回海
实际住唯真
常施爱敬愿
欢喜施常行
是即如来智
戒相具足持
梵音甚微妙
微妙一响声
善生诸世间
三乘为依怙
解脱三乘教
五面亦五眼
正觉成菩提
一切种种相
皆随应现生
自能达彼岸
随意化百千

发髻色紺青
庄严无为体
一切愿皆圆
善意亦善逝
大力如意通
得诸波罗蜜
开迷大辩才
现行幻化相
弓箭与三叉
都摩啰烁帝
种种诸器仗
悉施无所畏
现作无碍通
表刹现幢相
善破勇猛军
魔冤贼悉破
是为上最胜
最上大吉祥
名闻称普遍
自胜复胜他
微妙最善寂
普仰如意珍
以戒行正道
三世最上音
如虚空大藏
无诤依怙者
依行行三乘
诸佛依三乘
依五智性生
即是大正道
殊妙清净身
照世如宿曜
亦善渡他人
巧摄诸善义

百千福具足	纯一化世间
善舍一切财	种种幻化相
世间大自在	吉祥诸天尊
持妙青色莲	具戒施诸愿
乐善常寂静	大静慧焰光
诸恶障永除	是一切魔主
度难与安乐	无等平等心
鬪诤悉永除	善离怖畏死
部多主宰母	示作夜叉王
现身为大龙	具百头千目
百舌大恶相	真实无畏心
胜种具百千	地天善持世
常乐无畏语	疾疫毒永除
殊妙大光明	无垢常清净
一切世间母	持法利世间
最胜灌顶王	所作皆已办
具十波罗蜜	十地位常居
藏显十法乘	十大真实理
住十金刚句	表刹十法成
十智除闇冥	观世自在眼
具大妙色相	等虚空无边
或现五通仙	具戒自在相
离欲身应供	寂静道常安
正觉所赞扬	是多罗菩萨

尔时世尊说此颂已。告于闍婆王及一切众会。此是多罗菩萨一百八名。我已为汝宣说。汝等应当至心。受持此多罗菩萨一百八名及陀罗尼。过去未来诸佛已说当说。为一切众生利益悲愍故。若有善男子善女人发至诚心。于清旦时或为自他。诵此多罗菩萨一百八名并陀罗尼。乃至默念。或用匹帛为帙。或于净壁依法。以最上妙色画菩萨像。或用檀香木作菩萨形。以清净心随意成办。然后于菩萨像前设种种供养。一日三时合掌作礼。依法至心而作观想。诵此一百八名及陀罗尼。此多罗菩萨具大势力。最上吉祥求销诸罪。善破魔军于初中善。而能施彼成就之法。若复有人发至诚心。持念一遍七遍乃至二十七遍当念诵时不阙文句。是人一切富贵吉祥之事及成就法。随愿获得永无障碍。得诸贤圣隐其本身常作拥护。又复得天龙夜叉释梵护世那罗延天

大自在天。并母鬼主大黑天神频那夜迦庆自在天等。乃至得诸佛菩萨缘觉声闻一切忿怒王大威德明王等咸作是言。善哉善哉善男子。汝等具于诸佛菩萨之行。当生苏珂嚩帝佛刹。是时五髻干闥婆王。欢喜踊跃心生信重。即从座起自解己身。无价璎珞金银真珠摩尼珍宝种种严身之具。供养于佛合掌恭敬。瞻仰世尊而说赞曰。

善哉世尊	甚奇善逝	常以悲心
救护一切	而能为我	及于众会
说此最上	真实之义	

尔时世尊说是经已。彼诸菩萨摩訶萨。及诸声闻并持明者。大忿怒主一切明王。诸天入众及五髻干闥婆等。闻佛所说皆大欢喜信受奉行。

佛说圣多罗菩萨经

【经文信息】大正藏第 20 册 No. 1104 佛说圣多罗菩萨经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】
